

Dinks sprawozduniy s arbajcynio

Ferajny "Szkryfka" za 2017

A. Ô Szkryfce

Ferajna "Szkryfka" uostała sbajslowalno dziynka 16 Ferajniokům, kerzi przituplowali to we ukwole ze 01.04.2015 we Mikołowie.

Zakůny, cyle a dziołania Ferajny szkryfniynte sům we Sztatucie Ferajny "Szkryfka". Poradzi sie tam snojś nojważniysze cyle arbajcynio Ferajny:

- I. uwszelobecniyniy godki šlůnskij we szrajbůnku, interaktiw a mobilnych szkryftach a i we mediach;
- II. průmowaniy wiedzy ô Šlůnsku;
- III. průmowaniy godki šlůnskij a kultůry ai bajsłowanio šlůnskich dinksůw;
- IV. průmowaniy a formowaniy pozytywnego filowanio na Šlůnsk a Šlůnzokůw;
- V. przichytać a istować regiůnal świadůmość Šlůnzokůw;
- VI. spůłarbajcyni ze lokalnymi a regiůnal regiyrami, instytucyjami społėcznymi a inkszymi ferajnami dlo rozwoju Šlůnska;
- VII. spůmogać kultůrowe inicjatywy swiůnzane ze Šlůnskym.

Pedzane je tyż ô arbajcyniu Ferajny:

- I. bajsłowaniy swoich projektůw a programůw;
- II. bajsłowaniy trefůw, prelekcij, wystow, kursůw, kůncertůw, festůw a inkszych fajerůw;
- III. bajsłowaniy a spůmoganiy we ôrganizowaniu wymiany miyndzy kultůrowyj;
- IV. wystowianiy certyfikatůw a fundowaniy prajsůw swiůnzanych ze dziołaniym Ferajny;
- V. kludzyniy nec zajty;
- VI. spůłarbajcyniy ze inkszymi perzůnami a instytucyjami, kere majům podane na nosze cyle arbajcynio;
- VII. spůmogać dziołania, kere majům:
 - a. průmować wiedza ô Šlůnsku,
 - b. průmować godka šlůnsko a kultůra ai bajsłowaniy šlůnskich dinksůw,
 - c. průmować a formować pozytywne filowanie na Šlůnsk a Šlůnzokůw,
 - d. przichytać a istować nacjůnal a regiůnal świadůmość Šlůnzokůw,

e. utrzymywaniý kúntaktów miyndzy Šlúnzokami, bezmaš wszyndzi kaj sùm a miynszkajùm;

VIII. inksze arbjajcyniý, kere mo ryalizować sztatur cyle.

B. Dziolania Ferajny "Szkryfka" we 2017

Rok 2017 to nostympny rok ze wyzwianiami, projektami a interesantnymi akcjami. Latosi jednak uzdalimy, coby wiyncy spũlarbjajć ze inkszymi - dlo lepszych efektów. Dziynka tymu udao nùm sie zrealizować doš pora na prowda interesantnych inicjatyw.

Werci sie jednak spũmnieć, co realizowany we 2016 projekt "Silesia Skills", kery bũł dlo młodziyzy, i we 2017 dowoł jeszcze ô sia znać. Cołki cwek tego projektu to bũła niý ýno nauka, nale same uczystniki mieli tyz przirychtować swũj projekt. I sbajowali wystowka "Galerio šlúnskich noblistów", kero bez cołki 2016 wandrowała bez szule we mikołowskim krysie. Jednak nawet we 2017 niý musielimy sie starać ô to, co ze tũm wystowkũm zrobić. Dyć zainteresowanych na jejij wypożyczyniý bũło aże tyła, co musielimy wyznoczać terminy, kej, wto a kaj ja moge wziuńś. Jednak dziynka tymu ta wystowka mielimy we roztolicznych bibliotekach, dũmach a cyntrach kultury ai inkszych ôšwiatowych placówkach. Nawet poza mikołowskim krysym. Prowda je tyz tako, co dalij niý mũmy problemu i juze nostympni sie zgłoszajùm, coby ja borknuńć.

Jednako przede wszyskim bũły tyz nowe projekty, we kerych udao sie doš duzo zrobić. Trza sam ôd razu spũmnieć ô tym spũlarbjajcyniu ze inkszymi, bo we 2017 udao nùm sie na prowda fajnie dogodać ze Šlaskim Ogrodem Botanicznym we Mikołowie.

Piyrszy projekt to bũły ekologiczne norychta dlo fýrmy Opel. Łuni to majùm podszrajbowany dorzũndek ze ŠOB na kludzyniý takich norychtów, a my pomũgli sbajslować cosik nowego. Pokludzilimy norychta, na kerych uczystniki poradziłi niý ýno wywiedzieć sie jake zioła rosnũm we zegrũdku wele haupy abo na łũnce ai na co łũne sùm. Przirychtowali my tyz zielyniok, we kerym niý roz cołke familije musiały dopasować do ôbrozka (skuli pogody na placu) miano polske a šlúnske danego zioła. Jako idzie sie pokapować, cołke norychta kludzũne bũły po šlúnsku. No i dziynka dobryj reakcji samych uczystników, pozytywnyj recynzi fýrmy Opel a dobrymu odbiorowi ludzi ze ŠOB, dostalimy szansa na nostympne projekty cuzamyn bajslowane ze nimi.

Tuz nostympny trefiuł juze bez letnie feryje, kaj przy ôkazji fajeru ze Šlaskiego Kalendarza Ekologicznego 2017 zrychtowalimy norychta godki šlúnskij dlo bajtli zmianowane "Piecuch - bajtel Pioruna". Dziynka nim bajtle poradziły sie wywiedzieć, czamu niý śmiy sie polić we piecu plastikami a roztomajtyimi inkszymi harmozami. A coby i wielgim sie niý mierzlo przirychtowalimy

dło nich historyczno luneta, bez kero poradzieli zobejrzeć jak wygląduły place na ôbkoło ŚOB 100, 200 abo wiyncy lot do zadku.

I juże zaś za pora miesiyncy przirychtowalimy terynowy szpil dło ŚOB. Uczystniki musieli przyńść sie bez Ôgrůd ze landkartům, a dować sie pozůr na ekstra zamarkowane punkty. Coby mieli trocha lecyj, dostali tyż podpowydzi, kaj za czym sznupać. Wiadũmo po ślũnsku. Cołki cwek tego szpila bůł na prowda prosty - trza bůło snojś wszyske punkty, a szkryfnyć na karcie odpowydzi jak nojwiyncyj gatunkůw flory a fauny ôznoczũne na landkarcie a pedzane we podpowydziach. Co interesant, szpil sie na tyła spodoboł, co same robotniki ze ŚOB, chcieli zoboczyć jako im pudzie.

Nostympny efekt spũroboty szło zoboczyć juże we grudniu. We Stanowicach, we gminie Czerwionka-Leszczyzny, koždy rok bajslowane je Lotaniý po Moczka a Makůwki. Latosi bajslyrze chcieli nacechować je ślũnskim charakterym, bezto poprosili nos ô spũmoga. Wszysko niý bůło take leke, jako by sie mũgło zdać - bůły trefy, hołda tublikowanio a szkryflanio tekstůw ai nawet prasowo kũnferyncjo on-line. No i wiadũmo - same lotaniý, na kerym to nosze ferajnioki wszysko pokludzili a nawet robili wywiady ze uczystnikami. Dziynka cołkij tyj robocie publiczność dostała dwulynzykowo nec zajta tego lotanio (<http://biegpomoczkeimakowki.pl>), filmik, a przede wszyskim na prowda fajno inicjatywa, kero pokozuje, co na Ślũnsku ze ślũnskim we tle na prowda mocka poradzi sie zrobić.

Spũmogũmy tyż inksze instytucje, choby dejmy na to X LO we Katowicach, kaj młodziyż ze m.in. wsparciym noszych ferajniokůw rychtuje szpektakel po ślũnsku. Spũmogũmy tyż ôswiatowe placůwki ze Tychůw, kaj teroźnie poleku bydymy ruszać ze nowymi projektami. Nosze ferajnioki sũm tyż wmiyszani we nowo inicjatywa społyczno zmianowano "Karasol", kero jak do tera na prowda dužo robi, a prũmuje tyż noszo Ferajna.

Trza sam jeszcze tyż spũmnieć ô naszym spũłarbajcyniu ze SferaTV ze Rudy Ślũnskiej. Ta lokalno telewizjo mo zasyng we poru miastach GOP a durś sie uozwijo. Nosze Ferajnioki przirychtowywujũm koždy miesiũnc wiadũmości po ślũnsku, we kerych podsumowujymy ôstatni miesiũnc newsami po ślũnsku. Po wiadũmościach zaś emitowany je program "Szolka tyju", we kerym nosz Ferajniok uosprowio ze zaproszũnymi ludziami ô woźnych tera ai we przisźoći rzeczach.

Jak i łũnskigo roka przirychtowalimy tyż sztand na Dziyń Aktywności Społycznyj bajslowany na mikołowskim rynku. Ekstra skiż tego zrobilimy tyż prũmocyjny filmik tego fajeru, kery podoboł sie niý ýno uczystnikům, nale tyż bajslyrzowi, czyli Sztad Urzyndowi Mikołowa. Jak koždy rok pomogũmy tyż inkszym tublikować a rychtować teksty po ślũnsku, kludzymy mocka myńszych akcyj, we kerych prũmyjymy nosz regiũn, choby dejmy na to artikle ô tym jako a kaj idzie fajnie spyndzać u nos czos. Publikowalimy je i na noszyj nec zajcie i na facebook'owym fanpage.

Robiliśmy też przy naszym necie zajęcia, żeby była atrakcyjna i nowoczesna. Przekształciliśmy układ, doprecyzowaliśmy treść. Opublikowaliśmy na niej ofertę, w której klarujemy jako możemy pomóc, co możemy zrobić dla innych a co tak różnych robimy. Udostępniliśmy też informacje o tym, jakie szkolenia, kursy a kwalifikacje mają nasze ferajniaki, żeby lepiej nas poznać. Przedstawimy też różne informacje dla tych, co chcieliby nam pomóc a zostać naszymi wolontariuszami.

Bezpośrednio zapraszamy do zagłębienia na naszego necie zajęcia <http://szkryfka.eu/> a facebook'a: <https://www.facebook.com/Szkryfka/>, gdzie poradzi się swoich artykułów o naszych działaniach a wydarzeniach w naszym Ferajnie a na Śląsku, a przy tym do uosławiania a dyskusji na forum <http://forum.szkryfka.eu/>.

Podszrajbunek

18.02.2017

Mikołów